

Reglugerð um dómaramál STÍ

Dómaranefnd:

1. gr.

Dómaranefnd STÍ skal skipuð þremur einstaklingum og a.m.k. tveir þeirra þurfa að hafa landsdómararéttindi. Í nefndina skal kosið á þingi STÍ.

2. gr.

Hlutverk nefndarinnar er:

- a. að vera æðsti innlendi aðili um túlkun leikreglna STÍ og viðkomandi alþjóðasambanda.
- b. að hafa yfirumsjón með málefnum skotíþróttadómara í landinu.
- c. að hafa yfirumsjón með menntun skotíþróttadómara, útskrifa þá og halda skrá yfir dómara.
- d. bera ábyrgð á að dómaramámskeið séu haldin reglulega.
- e. að vera sérfræðilegur ráðunautur stjórnar STÍ og annast verkefni varðandi leikreglur og dómara, er stjórn STÍ kann að fela henni.
- f. að veita ráðgjöf til aðildarfélaga vegna skotvalla eða mótahalds.
- g. að taka út skotvelli og tryggja að þeir séu löglegir í samræmi við reglur viðkomandi skotgreina, gefa út undanþágur uppfylli vellir ekki reglur eða banna notkun þeirra við mótahald.
- h. að meta hvort dómaraefni séu hæf til dómgæslu með tilliti til agareglna og siðareglna ÍSÍ.

3. gr.

Nefndin starfar sjálfstætt og er ábyrg gagnvart stjórn STÍ. Nefndin skilar fundargerðum til stjórnar STÍ

Skotíþróttadómarar:

4. gr.

Skotíþróttadómurum er skipt í stig eftir menntun og/eða reynslu í héraðsdómara, landsdómari 1, landsdómari 2 og alþjóðlega dómara.

Hlutverk yfirdómara eru eftirfarandi:

- a. Taka út skotvelli fyrir mót og ganga úr skugga um að hann sé löglegur fyrir mótahald samkvæmt reglum viðkomandi skotgreina.
- b. Bera ábyrgð á að búnaðarskoðun sé framkvæmd á mótun eftir reglum viðkomandi greinar.
- c. Tryggja að framkvæmd móts sé í samræmi við reglur.
- d. Staðfesta úrslit móts að móti loknu og tryggja að mótaskýrsla sé rétt útfyllt og undirrituð.

Yfirdómari má ekki keppa í því móti sem hann dæmir í.

Hlutverk meðdómara eru eftirfarandi:

- a. Aðstoða yfirdómara við dómgæslu
- b. Koma upplýsingum til yfirdómara sem þurfa þykir.
- c. Sinna nánara hlutverki eftir reglum viðkomandi greinar.

Héraðsdómarar:

5. gr.

Réttindi sem héraðsdómari öðlast menn með prófi að afloknu námskeiði sem haldið er af

STÍ. Til þess að ná réttindum sem héraðsdómari skal eftirtöldum atriðum fullnægt:

- a. Dómaraefni skal hafa náð 18 ára aldri.
- b. Að vera félagi innan aðildarfélaga STÍ.
- c. Dómaraefni skal sitja námskeið og standast próf sem lagt er fyrir á vegum STÍ
- d. Héraðsdómari skal klára upprifjunarnámskeið á 4 ára fresti til að halda réttindum

6. gr.

Sá sem staðist hefur próf til héraðsdómara hefur réttindi til að dæma á innanfélagsmótum sem yfirdómari, á landsmótum sem meðdómari, vera í kviðdómi og taka að sér mótsstjórn á öllum mótum STÍ.

Landsdómari 1:

7. gr.

Réttindi sem landsdómari öðlast menn með prófi að afloknu námskeiði sem haldið er af STÍ, í hverjum flokki fyrir sig, haglagreinum, riffilgreinum og skambbyssugreinum í greinum alþjóðaskotsambandsins (ISSF) en einnig í hverri einstakri grein annara íþróttasambanda eftir nánari ákvörðun dómaranefndar. Til þess að ná réttindum sem landsdómari skal eftirfarandi atriðum fullnægt:

- a. Landsdómaraefni skal hafa reynslu í þeirri grein eða flokki sem hann dæmir í.
- b. Skal ljúka námskeiði ásamt skriflegu og verklegu prófi til landsdómara.
- c. Hafa lokið námskeiði á vegum lyfjaeftirlitsins (WADA)
- d. Hafa dæmt á sem meðdómari eða aðaldómarar á a.m.k. 5 mótum sem flokkast sem STÍ mót.

Sá sem hefur staðist próf landsdómara í viðkomandi grein, hefur réttindi til að dæma í öllum innanlandsmótum í þeirri grein.

Landsdómari 1 getur sótt um að taka námskeið á vegum alþjóðasambands í viðkomandi grein sem hann hefur réttindi til að dæma í.

Landsdómari 2:

8. gr.

Réttindi sem landsdómari tvö öðlast sá sem hefur lokið námskeiði á vegum alþjóðasambands til dómgæslu í viðkomandi grein eða flokki og hefur víðtæka reynslu af dómaramálum.

Landsdómari 2 þarf að viðhalda alþjóðlegum réttindum sínum samkvæmt reglum viðkomandi alþjóðasambands til að flokkast sem Landsdómari 2.

Landsdómari 2 hefur rétt til að dæma skrifleg og verkleg dómarapróf haldin af STÍ.

Alþjóða dómari:

9. gr.

Alþjóðleg dómaraaréttindi hljóta dómaraar skv. reglum viðkomandi alþjóðasambanda

Til þess að geta talist alþjóða dómara þarf eftirfarandi skilyrðum að vera fullnægt:

- a. Vera Landsdómari
- b. Vera tilnefndur af STÍ
- c. Hafa staðist námskeið á vegum alþjóðasambands viðkomandi alþjóðasambands

Kviðdómur:

10. gr.

Kviðdómur samanstendur af þremur aðilum sem úrskurða í málum sem komið getað upp. Kviðdómur er áskilinn í sumum skotgreinum. Enginn getur setið í kviðdóm nema hafa lokið héraðsdómara námskeiði.

Þeir sem sitja í kviðdóm mega vera keppendur í móti og skal tryggja að þeir sem sitji í kviðdóm séu ekki úr sama félagi eða a.m.k. ekki séu fleiri en tveir úr sama félagi.

Almennar reglur:

11. gr.

Æskilegt er að Íþróttafélög innan STÍ hafi virka dómara innan sinna vébanda.

12. gr.

Þau íþróttafélög sem halda landsmót, skulu tilkynna einn landsdómara til starfa á mótinu.

Nafn dómara, heimilisfang og símanúmer skal fylgja tilkynningu.

13. gr.

Aðlögunartími þessara reglna er til 1. Ágúst 2025 en þá mega engir dæma á mótum nema uppfylla þessar reglur.

Samþykkt á stjórnarfundum STÍ 28.07.2023